

OKVIRNI SPORAZUM

KJP Centar Skenderija d.o.o Sarajevo
Terezije b.b ; 71000 Sarajevo
Kuju zastupa direktor Damir Petrinić dipl.ecc.
(u daljem tekstu Ugovorni organ)

I
Univerzitet u Sarajevu- Građevinski Fakultet
Ul. Patriotske lige br.30 , 71 000 Sarajevo
Kuju zastupa dekan Prof.dr. Samir Dolarević
(u daljem tekstu Ponuđač)
sklapaju sljedeći

OKVIRNI SPORAZUM

Za nabavku usluge izrada Elaborata o stanju konstrukcije građevinskih objekata KJP Centra Skenderija d.o.o.

UVOD

Član 1.

Na temelju provedenog konkurentskog zahtjeva javne nabavke Ugovorni organ je Odlukom broj: 1797/22 od 30.03.2022 godine, odabrao ponudu Ponuđača 1712/22 od 28.03.2022 godine kao najbolje ocijenjenu ponudu u skladu sa objavljenim kriterijima za donošenje odluke o odabiru i zahtjevima iz Tenderske dokumentacije.

Ovaj Okvirni sporazum ne predstavlja obavezu Ugovornog organa na realizaciju u bilo kojem obimu ili vrijednosti u odnosu na ugovorenu uslugu. Obaveza nastaje tek kad se zaključi Ugovor za uslugu ispitivanja konstrukcije po pojedinoj cjelini (objektu) u svrhu izrade Elaborata o stanju konstrukcije KJP Centra Skenderija d.o.o.

I PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje Ugovora o javnoj nabavci s Ponuđačem za nabavku usluge iz Članu 1. (u daljnjem tekstu: usluga), a prema kriterijima tenderske dokumentacije i ponude Ponuđača, te uslovima utvrđenim ovim Okvirnim sporazumom, u skladu sa potrebama Ugovornog organa.

Ovaj Okvirni sporazum sklapa se za period od 1 (jedne) godine od dana potpisivanja.

II USLOVI PROVEDBE OKVIRNOG SPORAZUMA

Član 3.

Ugovorni organ će prije sklapanja Ugovora o javnoj nabavci usluga zasnovanih ovim Okvirnim sporazumom dostaviti Ponuđaču specifikaciju traženih usluga sa tačno naznačenim prioritetima za ispitivanje i rokovima u skladu sa kriterijima iz javnog poziva.

Član 4.

Cijena i kvalitet isporučene usluge moraju odgovarati ukupnoj cijeni i kvalitetu istaknutoj u ponudi Ponuđača iz Člana 1. st.1, i ne mogu se mjenjati. Ukupna ponuđena cijene bez PDV-a odgovara zbiru cijena po pojedinim cjelinama (objektima) za izradu Elaborata:

a) Dvorana Mirza Delibašić sa gornjim i donjim foajeima i svim pratećim sadržajima iznosi	9.800,00 KM
b) Sportska dvorana 1,2 i 3 iznosi	4.500,00 KM
c) Plato- Privredni grad iznosi	7.000,00 KM
d) Dom mladih iznosi	5.500,00 KM
e) Garaža, Ledena dvorana i Sajamska dvorana	6.000,00 KM
f) Poslovna zgrada	2.500,00 KM
g) Plato B faza	3.500,00 KM
h) kotlovnica	2.000,00 KM
i) Uzimanje uzoraka materijala konstruktivnih elemenata i ispitivanje istih uključeno u cijenu	

Član 5.

- (1) Nakon sklapanja ugovora Ponuđač se obavezuje da će ispoštovati ugovoreno izvršenje usluge .
- (2) Izvršenje usluge će se vršiti prema prioritetima koje odredi Ugovorni organ uz nadzor ovlaštene osobe ispred Ugovornog organa.

Član 6.

- (1) Ugovorni organ će plaćanje obavljati na osnovu ispostavljenih faktura Ponuđača za pojedinu cjelinu.
- (2) Rok plaćanja je u skladu sa uslovima iz javnog poziva i ugovora.

Član 7.

- (1) Pri sklapanju Ugovora, ugovorne strane ne smiju mijenjati bitne uslove ovog Okvirnog sporazuma.
- (2) Ugovorom o javnoj nabavci usluga utvrdit će se, prava i obaveze ugovornih strana koja nisu utvrđene ovim Okvirnim sporazumom, a u skladu sa uslovima Javnog poziva.

III OBAVEZE I ODGOVORNOSTI PONUĐAČA I UGOVORNOG ORGANA

Član 8.

- (1) Ponuđač se obavezuje izvršavati obaveze savjesno i odgovorno, na način određen ovim Okvirnim sporazumom i Ugovorom.

Član 9.

- (1) Ugovorni organ se obavezuje saradivati s Ponuđačem tokom izvršenja usluge i pravovremeno ga informirati o relevantnim činjenicama koje bi mogle uticati na izvršenje usluge.
- (2) Ugovorni organ se obavezuje Ponuđaču platiti ugovorenu cijenu za izvršenu uslugu na ugovoreni način i u ugovorenom roku.
- (3) U slučaju eventualnih propusta Ponuđača u izvršavanju, Ugovorni organ se obavezuje odmah po uočavanju propusta dati Ponuđaču prigovor u pisanom obliku sa naznačenim rokom ispravke istog.

IV RASKID OKVIRNOG SPORAZUMA

Član 10.

- (1) U slučaju da Ponuđač prilikom izvršenja usluga po Ugovoru učini povredu odredbi ovog Okvirnog sporazuma, Ugovorni organ ima pravo jednostrano raskinuti ovaj Okvirni sporazum ako Ponuđač posljedice povrede ne otkloni u roku od 8 dana od pisanog upozorenja Ugovornog organa.

- (2) Pored navedenog, Ugovorni organ ima pravo raskinuti ovaj Okvirni sporazum i u slučaju da Ponuđaču nadležni organ zabrani obavljanje ugovorene djelatnosti, odnosno ako Ponuđač više ne bude ovlašten obavljati ugovorene usluge.
- (3) Raskidom Okvirnog sporazuma, automatski se raskida i sklopljeni Ugovor.
- (4) Okvirni sporazum raskida se pisanim putem, poštom preporučeno, uz pozivanje na razlog raskida.

V RJEŠAVANJE SPOROVA I VAŽENJE PRAVA

Član 12.

- (1) Ugovorne strane su saglasne da će sve eventualne sporove proizašle iz ovog Okvirnog sporazuma kao i sklopljenih pojedinačnih ugovora rješavati prvenstveno međusobnim dogovaranjem.
- (2) Ako ugovorne strane ne uspiju riješiti nastali spor ili problem međusobnim dogovaranjem, za rješenje spora nadležan je Sud u Sarajevo.

VI STUPANJE NA SNAGU OKVIRNOG SPORAZUMA

Član 13.

Okvirni sporazum stupa na snagu danom potpisa ovlaštenih predstavnika obje ugovorne strane.

VII SASTAVNI DIJELOVI OKVIRNOG SPORAZUMA

Član 14.

Sastavni dijelovi ovog Okvirnog sporazuma je ponuda Ponuđača (04-01-558-1/22 od 23.03.2022 godine) protokolirana pod brojem: 1712/22 od 28.03.2022 godine.

VIII PRIMJERCIM OKVIRNOG SPORAZUMA

Član 15.

Ovaj Okvirni sporazum sastavljen je u 4 (četiri) istovjetna primjerka, od kojih Ugovornom organu pripadaju 3 (tri), a ponuđaču 1 (jedan) primjerak.

Za Ponuđača
dekan

Prof.dr. Samir Dolarević



Za Ugovorni organ
Direktor

Damir Petričić dipl.ecc.



04-1-558-17/22
8.4.2022

Broj: 512/22
Sarajevo, 11. 04 2022